



Comhairle an
Aontais Eorpaigh

An Bhruiséil, 29 Bealtaine 2018
(OR. en)

**Comhad Idirinstitiúideach:
2018/0169 (COD)**

**9498/18
ADD 1**

**ENV 360
SAN 169
CONSOM 160
AGRI 254
CODEC 890**

TOGRA

ó:	Ard-Rúnaí an Choimisiúin Eorpaigh, arna shíniú ag Jordi AYET PUIGARNAU, Stiúrthóir
dáta a fuarthas:	28 Bealtaine 2018
chuig:	Jeppe TRANHOLM-MIKKELSEN, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2018) 337 final - Iarscríbhinn 1 go hIarscríbhinn 2
Ábhar:	IARSCRÍBHINNÍ a ghabhann leis an Togra le haghaidh Rialachán ó Pharlaimint na hEorpa agus ón gComhairle maidir le híoscheanglais le haghaidh athúsáid uisce

Gheobhaidh na toscaireachtaí i gceangal leis seo doiciméad COM(2018) 337 final - Iarscríbhinn 1 go hIarscríbhinn 2.

Faoi iamh: COM(2018) 337 final - Iarscríbhinn 1 go hIarscríbhinn 2



AN COIMISIÚN
EORPACH

An Bhruiséil, 28.5.2018
COM(2018) 337 final

ANNEXES 1 to 2

IARSCRÍBHINNÍ

a ghabhann leis an

**Togra le haghaidh Rialachán ó Pharlaimint na hEorpa agus ón gComhairle
maidir le híosccheanglais le haghaidh athúsáid uisce**

{SEC(2018) 249 final} - {SWD(2018) 249 final} - {SWD(2018) 250 final}

IARSCRÍBHINN I

ÚSÁIDÍ AGUS CEANGLAIS ÍOSTA

Roinn 1. Úsáidí an uisce athshlánaithe dá dtagraítear in Airteagal 2

(a) Uisciú talmhaíochta

Ciallaíonn uisciú talmhaíochta na cineálacha barr seo a leanas a uisciú:

- barra bia a thomhailtear amh, a chiallaíonn barra atá beartaithe lena dtomhailt ag an duine agus iad amh nó neamhphróiseáilte;
- barra bia próiseáilte, a chiallaíonn barra atá beartaithe lena dtomhailt ag an duine, nach bhfuil le hithe amh ach tar éis próiseas cóireála (i.e. cócaráilte, próiseáilte go tionsclaíoch);
- barra neamhbhia, a chiallaíonn barr nach bhfuil beartaithe lena dtomhailt ag an duine (e.g. barra féaraigh, foráiste, snáithín, ornáideacha, síl agus scráithe).

Roinn 2. Ceanglais íosta

2.1. Ceanglais íosta is infheidhme maidir le huisce athshlánaithe atá beartaithe lena úsáid le haghaidh uisciú talmhaíochta

Leagtar amach i dTábla 1 na haicmí de cháilíocht uisce athshlánaithe agus an úsáid a cheadaítear agus na modhanna uisciúcháin le haghaidh gach aicme. Leagtar amach na ceanglais íosta do cháilíocht uisce i bpointe (a), Tábla 2. Leagtar amach na minicíochtaí íosta agus na spriocanna feidhmíochta chun faireachán a dhéanamh ar an uisce athshlánaithe i bpointe (b), Tábla 3 (faireachán gnáthrialta) agus Tábla 4 (faireachán bailíochtaithe).

Tábla 1 Aicmí de cháilíocht uisce athshlánaithe agus an úsáid talmhaíochta cheadaithe agus an modh uiscithe

Aicme de cháilíocht íosta uisce athshlánaithe	Catagóir an bhairr	Modh uisciúcháin
A	Na barra bia ar fad, lena n-áirítear barra fréimhe a thomhailtear amh agus barra bia a bhfuil an chuid inite díobh i dteagmháil dhíreach le huisce athshlánaithe	Gach modh uisciúcháin
B	Barra bia a thomhailtear amh a dtáirgtear an chuid inite díobh os cionn talún agus nach bhfuil i dteagmháil dhíreach le huisce athshlánaithe,	Gach modh uisciúcháin
C	barra bia próiseáilte agus barra neamhbhia, lena n-áirítear barra chun ainmhithe a tháirgeann bainne nó feoil a bheathú	Uisciú silte* amháin
D	Barra tionsclaíocha, fuinnimh agus síl	Gach modh uisciúcháin

(*) Is é is uisciú silte ann (ar a dtugtar sil-uisciú freisin) ná córas miocruscithe ar féidir leis braonta uisce nó srutháin bheaga a sheachadadh go dtí na plandaí trí uisce a shileadh ar an ithir nó go díreach faoina dromchla ar rátaí fíorísle (2-20 lítear san uair) ó chóras píopaí plaisteacha ag a bhfuil trastomhas beag atá feistithe le hasraonta ar a dtugtar astairí nó síleáin.

(a) Na híocheanglais le haghaidh cáilíocht uisce

Tábla 2 Na ceanglais maidir le cáilíocht an uisce athshlánaithe le haghaidh uisciú talmhaíochta

Aicme de cháilíocht uisce athshlánaithe	Sprioc tháscach teicneolaíochta	Ceanglais cháilíochta				Eile
		<i>E. coli</i> (cfu/100 ml)	BOD ₅ (mg/l)	TSS (mg/l)	Moirtiúlacht (NTU)	
A	Cóireáil thánaisteach, scagachán, agus dífhabhú	≤10 nó faoi bhun na teorann braite	≤10	≤10	≤5	<i>Legionella</i> spp.: <1,000 cfu/l i gcás ina bhfuil riosca aerasólaíthe i dtithe gloine Néimeatóidí stéigeacha (Uibheacha heilminte): ≤1 ubh/l chun féaraigh nó foráiste a uisciú
B	Cóireáil thánaisteach, agus dífhabhú	≤100	De réir Threoir 91/271/CEE ón gComhairle ¹ ((Iarscríbhinn I, Tábla 1)	De réir Threoir 91/271/CEE ((Iarscríbhinn I, Tábla 1)	-	
C	Cóireáil thánaisteach, agus dífhabhú	≤1,000			-	
D	Cóireáil thánaisteach, agus dífhabhú	≤10,000			-	

Measfar go bhfuil an t-uisce athshlánaithe ag comhlíonadh na gceanglas a leagtar amach i dTábla 2 má chomhlíonann na bearta na critéir seo ar fad a leanas:

- Tá na luachanna táscacha do *E. coli*, *Legionella* spp agus néimeatóidí stéigeacha comhlíonta in 90 % nó níos mó de na samplaí. Ní féidir le haon cheann de na luachanna a bheith os cionn na teorann uasta diallais d'aon aonad loga amháin ón luach táscach do *E. coli* agus *Legionella* agus 100 % den luach táscach do néimeatóidí stéigeacha.
- Déantar na luachanna táscacha do BOD₅, TSS, agus moirtiúlacht in Aicme A a chomhlíonadh in 90 % nó níos mó de na samplaí. Ní féidir le haon cheann de na luachanna a bheith os cionn na teorann uasta diallais de 100 % den luach táscach.

(b) Na ceanglais íosta le haghaidh faireacháin

Déanfaidh oibreoirí na monarchana athshlánaithe faireachán gnáthrialta chun a fhíorú go bhfuil an t-uisce athshlánaithe ag comhlíonadh na gceanglas íosta maidir le cáilíocht uisce a leagtar amach i bpointe (a). Cuirfear an faireachán gnáthrialta san áireamh i nósanna imeachta fíoraithe an chórais athúsáide uisce.

¹ Treoir 91/271/CEE ón gComhairle an 21 Bealtaine 1991 maidir le cóireáil fuíolluisce uirbigh (IO L 135, 30.5.1991, lch. 40).

Tábla 3 Na minicíochtaí íosta le haghaidh faireachán gnáthrialta ar uisce athshlánaithe le haghaidh uisciú talmhaíochta

Na minicíochtaí íosta faireacháin						
Aicme de cháilíocht uisce athshlánaithe	<i>E. coli</i>	BOD ₅	TSS	Moirtiúlacht	<i>Legionella</i> spp. (nuair is infheidhme)	Néimeatóid í stéigeacha (nuair is infheidhme)
A	Uair sa tseachtain	Uair sa tseachtain	Uair sa tseachtain	Leanúnach	Uair sa tseachtain	Faoi dhó sa mhí nó ar mhinicíocht a chinneann oibreoir na monarchan athshlánaithe de réir líon na n-uibheacha i bhfuíolluisce a thagann isteach go dtí an mhonarcha athshlánaithe
B	Uair sa tseachtain	De réir Threoir 91/271 /CEE (Iarscríbhinn I, Roinn D)	De réir Threoir 91/271 /CEE (Iarscríbhinn I, Roinn D)	-		
C	Faoi dhó sa mhí			-		
D	Faoi dhó sa mhí			-		

Ní mór an faireachán bailíochtaithe a dhéanamh sula gcuirtear an mhonarcha athshlánaithe i mbun oibriúcháin, nuair a dhéantar uasghrádú ar threalamh, agus nuair a thugtar trealamh nó próisis nua isteach.

Déanfar an faireachán bailíochtaithe don aicme is déine de cháilíocht uisce athshlánaithe, Aicme A, chun a áirithiú go bhfuil na spriocanna feidhmíochta (laghdú logartaim₁₀) comhlíonta. Is é atá i gceist le faireachán bailíochtaithe ná faireachán ar na miocrorgánaigh tháscacha a bhaineann le gach grúpa pataiginí (baictéir, víris agus protozoa). Is iad na miocrorgánaigh tháscacha atá roghnaithe ná *E. coli* le haghaidh baictéir phataigineacha, baictéara-fagaigh dhrólannacha F-shonracha, baictéara-fagaigh shómatacha dhrólannacha nó baictéara-fagaigh dhrólannacha le haghaidh víris phataigineacha, agus spóir de *Clostridium perfringens* nó baictéir sulfáitlaghdaithe spórdhéanta le haghaidh protozoa. Tá na spriocanna feidhmíochta (laghdú logartaim₁₀) le haghaidh an fhaireacháin bailíochtaithe ar na miocrorgánaigh tháscacha roghnaithe leagtha amach i dTábla 4 agus comhlíonfar iad ag asraon na monarchan athshlánaithe (an pointe comhlíonta), agus dlús an eisiltigh fuíolluisce amh atá ag teacht isteach go dtí an mhonarcha cóireála fuíolluisce uirbigh á chur san áireamh.

Tábla 4 Faireachán bailíochtaithe ar uisce athshlánaithe le haghaidh uisciú talmhaíochta

Aicme de cháilíocht uisce athshlánaithe	Miocrorgánaigh tháscacha (*)	Spriocanna feidhmíochta don slabhra cóireála (laghdú logartaim ₁₀)
A	<i>E. coli</i>	≥ 5.0
	Iomlán na mbaictéara-fagach drólannach/baictéara-fagach dhrólannacha F-shonracha/baictéara-fagach shómatacha dhrólannacha/baictéara-fagach dhrólannacha (**)	≥ 6.0
	Spóir de <i>Clostridium perfringens</i> /baictéir sulfáitlaghdaithe spórdhéanta (***)	≥ 5.0

(*) Is féidir úsáid a bhaint, freisin, as na pataiginí tagartha *Campylobacter*, *Rotavirus* agus *Cryptosporidium*, seachas na miocrorgánaigh tháscacha atá molta a úsáid, chun faireachán a dhéanamh ar bhailíochtú. Ba cheart, sa chás sin, go mbeadh feidhm ag na spriocanna feidhmíochta seo a leanas atá sloinnte mar laghdú log₁₀: *Campylobacter* (≥ 5.0), *Rotavirus* (≥ 6.0) agus *Cryptosporidium* (≥ 5.0).

(**) Roghnaítear iomlán na mbaictéara-fagach drólannach mar an táscaire víreasach is iomchuí. Mura féidir anailís a dhéanamh ar iomlán na mbaictéara-fagach drólannach, áfach, ní mór anailís a dhéanamh ar cheann amháin acu (baictéara-fagach dhrólannacha F-shonracha nó baictéara-fagach shómatacha dhrólannacha) ar a laghad.

(***) Roghnaítear spóir de *Clostridium perfringens* mar an táscaire protozoa is iomchuí. Is rogha mhalartach iad baictéir sulfáitlaghdaithe spórdhéanta, áfach, mura féidir baint logartaim₁₀ arna iarraidh a bhailíochtú de dheasca dhlús na spór de *Clostridium perfringens*.

Déanfaidh an t-oibreoir na modhanna anailíse don fhaireachán a bhailíochtú agus a dhoiciméadú i gcomhréir le EN ISO/IEC-17025 nó caighdeáin náisiúnta nó idirnáisiúnta eile lena n-áirítear cáilíocht choibhéiseach.

Iarscríbhinn II

Iarscríbhinn II – Príomhchúraimí bainistithe riosca

- 1. Tabhair tuairisc ar an gcóras athúsáide uisce**, ón bhfuíolluisce a thagann isteach go dtí an mhonarcha cóireála fuíolluisce uirbigh go dtí an pointe úsáide, lena n-áirítear na foinsí fuíolluisce, na céimeanna cóireála agus na teicneolaíochtaí ag an monarcha athshlánaithe, an bonneagar soláthair agus stórála, an úsáid bheartaithe, an t-ionad úsáide, agus cainníochtaí an uisce athshlánaithe atá le soláthar. Is é is aidhm don tasc seo tuairisc mhionsonraithe a thabhairt ar an gcóras athúsáide uisce ina iomláine.
- 2. Guaiseacha a d'fhéadfadh a bheith ann a shainaithint**, go háirithe truaileáin agus pataiginí, agus **an baol go dtarlódh eachtraí guaiseacha**, amhail teip chóireála, sceitheadh de thimpiste nó éilliú sa chóras athúsáide uisce a bhfuil tuairisc tugtha air.
- 3. Na comhshaoil, daonraí agus daoine aonair a shainaithint** ina bhfuil baol ann go nochtfar iad do na guaiseacha shainitheanta a d'fhéadfadh a bheith ann, agus aird ar na himthosca comhshaoil shonracha, amhail an hidrigeolaíocht, toipeolaíocht, cineál ithreach agus éiceolaíocht áitiúil, agus imthosca a bhaineann le cineál na mbarr agus na cleachtais feirmeoireachta. Ní mór aird a thabhairt freisin ar na héifeachtaí

fadtéarmacha nó na héifeachtaí a d'fhéadfadh a bheith do-athraithe a bhaineann leis an oibríocht athshlánaithe uisce.

4. **Measúnú riosca a dhéanamh ina gcumhdaítear idir rioscaí comhshaoil agus rioscaí do shláinte an duine agus ainmhithe**, agus aird á tabhairt ar chineál na nguaiseacha sainaitheanta a d'fhéadfadh a bheith ann, na comhshaoil, daonraí agus daoine aonair a sainaithníodh go bhfuil baol ann go nochtfar iad do na guaiseacha sin agus déine na n-éifeachtaí a d'fhéadfadh a bheith ag na guaiseacha, mar aon le reachtaíocht ábhartha uile an Aontais agus an reachtaíocht náisiúnta ábhartha uile, na treoidhoiciméid uile agus na ceanglais íosta uile a bhaineann le sábháilteacht bia agus beatha agus sábháilteacht oibrithe. Tabharfar aghaidh ar éiginnteacht eolaíoch sa saintréithiú riosca i gcomhréir le prionsabal an réamhchúirim.

Beidh na gnéithe seo a leanas sa mheasúnú riosca:

- (c) measúnú ar na **rioscaí comhshaoil**, lena n-áirítear iad seo ar fad a leanas:
- deimhniú ar chineál na nguaiseacha, lena n-áirítear, i gcás inar iomchuí, an leibhéal tuartha neamhéifeachta;
 - measúnú ar raon féideartha an nocht;
 - saintréithiú an riosca.
- (d) measúnú ar na **rioscaí do shláinte an duine**, lena n-áirítear iad seo ar fad a leanas:
- deimhniú ar chineál na nguaiseacha, lena n-áirítear, i gcás inarb iomchuí, an caidreamh atá bainteach le dáileogacht;
 - measúnú ar raon féideartha an nocht nó na dáileogachta;
 - saintréithiú an riosca.

Cuirfear na ceanglais agus na hoibleagáidí seo a leanas, ar a laghad, san áireamh sa mheasúnú riosca:

- (e) an ceanglas go laghdófaí agus go gcoiscfí truailliú uisce ó níotráití i gcomhréir le Treoir 91/676/CEE ón gComhairle²;
- (f) an oibleagáid go gcomhlíonfadh limistéir cosanta uisce óil na ceanglais i dTreoir 98/83/CE ón gComhairle³;
- (g) an ceanglas go gcomhlíonfaí na cuspóirí comhshaoil a leagtar amach i dTreoir 2000/60/CE ó Pharlaimint na hEorpa agus ón gComhairle⁴;
- (h) an ceanglas cosc a chur ar thruailliú fuíolluisce i gcomhréir le Treoir 2006/118/CE ó Pharlaimint na hEorpa agus ón gComhairle⁵;

² Treoir 91/676/CEE ón gComhairle an 12 Nollaig 1991 maidir le huisce a chosaint ar thruailliú de bharr níotráití ó fhoinsí talmhaíochta (IO L 375, 31.12.1991, lch. 1-8).

³ Treoir 98/83/CE ón gComhairle an 3 Samhain 1998 maidir le cáilíocht an uisce atá ceaptha do thomhaltas an duine (IO L 330, 5.12.1998, lch. 32).

⁴ Treoir 2000/60/CE ó Pharlaimint na hEorpa agus ón gComhairle an 23 Deireadh Fómhair 2000 lena mbunaítear creat do ghníomhaíocht Chomhphobail i réimse an bheartais uisce (IO L 327, 22.12.2000, lch. 1).

- (i) an ceanglas go gcomhlíonfaí na caighdeáin cháilíochta chomhshaoil le haghaidh substaintí tosaíochta agus truailléain áirithe eile a leagtar síos i dTreoir 2008/105/CE ó Pharlaimint na hEorpa agus ón gComhairle⁶;
- (j) an ceanglas go gcomhlíonfaí na caighdeáin cháilíochta chomhshaoil le haghaidh truailléan ar údar inní náisiúnta iad (i.e. truailléain shonracha in abhantracha) a leagtar síos i dTreoir 2000/60/CE;
- (k) an ceanglas go gcomhlíonfaí na caighdeáin cháilíochta uisce a leagtar síos i dTreoir 2006/7/CE ó Pharlaimint na hEorpa agus ón gComhairle⁷;
- (l) na ceanglais maidir le cosaint an chomhshaoil, agus go háirithe cosaint na hithreach, nuair a úsáidtear sloda séarachais sa talmhaíocht faoi Threoir 86/278/CEE ón gComhairle⁸;
- (m) na ceanglais maidir le sláinteachas earraí bia a leagtar síos i Rialachán (CE) Uimh. 852/2004 ó Pharlaimint na hEorpa agus ón gComhairle⁹ agus an treoir a thugtar san Fhógra ón gCoimisiún maidir leis an treoir dhoiciméad maidir le haghaidh a thabhairt ar rioscaí micribhitheolaíochta i dtorthaí agus glasraí úra le linn chéim an phríomhtháirgthe trí shláinteachas maith;
- (n) na ceanglais maidir le sláinteachas beatha a leagtar síos i Rialachán (CE) Uimh. 183/2005 ó Pharlaimint na hEorpa agus ón gComhairle¹⁰.
- (o) an ceanglas go gcomhlíonfaí na critéir mhicribhitheolaíochta a leagtar amach i Rialachán (CE) Uimh. 2073/2005 ón gComhairle¹¹;
- (p) na ceanglais maidir le leibhéil uasta le haghaidh éilleáin áirithe in earraí bia a leagtar amach i Rialachán (CE) Uimh. 1881/2006 ón gComhairle¹²;
- (q) na ceanglais maidir le huasleibhéil iarmhar lotnaidicídí i mbia agus i mbeatha nó ar bhia agus ar bheatha a leagtar amach i Rialachán (CE) Uimh. 396/2005 ó Pharlaimint na hEorpa agus ón gComhairle¹³;

⁵ Treoir 2006/118/CE ó Pharlaimint na hEorpa agus ón gComhairle an 12 Nollaig 2006 maidir le screamhuisce a chosaint ar thruailliú agus ar mheathlú (IO L 372, 27.12.2006, lch. 19).

⁶ Treoir 2008/105/CE ó Pharlaimint na hEorpa agus ón gComhairle an 16 Nollaig 2008 maidir le caighdeáin cáilíochta comhshaoil i réimse an bheartais uisce, lena leasaítear agus lena n-aisghairtear ina dhiaidh sin Treoracha 82/176/CEE, 83/513/CEE, 84/156/CEE, 84/491/CEE, 86/280/CEE ón gComhairle agus lena leasaítear Treoir 2000/60/CE ó Pharlaimint na hEorpa agus ón gComhairle (IO L 348, 24.12.2008, lch. 84).

⁷ Treoir 2006/7/CE ó Pharlaimint na hEorpa agus ón gComhairle an 15 Feabhra 2006 maidir le cáilíocht uisce snámha a bhainistiú agus lena leasaítear Treoir 76/160/CEE (IO L 64, 4.3.2006, lch. 37).

⁸ Treoir 86/278/CEE ón gComhairle an 12 Meitheamh 1986 maidir le cosaint an chomhshaoil, agus go háirithe cosaint na hithreach, nuair a úsáidtear sloda séarachais sa talmhaíocht (IO L 181, 4.7.1986, lch. 6).

⁹ Rialachán (CE) Uimh. 852/2004 ó Pharlaimint na hEorpa agus ón gComhairle an 29 Aibreán 2004 maidir le sláinteachas earraí bia (IO L 139, 30.4.2004, lch. 1).

¹⁰ Rialachán (CE) Uimh. 183/2005 ó Pharlaimint na hEorpa agus ón gComhairle an 12 Eanáir 2005 lena leagtar síos na ceanglais i ndáil le sláinteachas beatha ainmhithe (IO L 35, 8.2.2005, lch. 1).

¹¹ Rialachán (CE) Uimh. 2073/2005 ón gCoimisiún an 15 Samhain 2005 maidir le critéir mhicribhitheolaíochta le haghaidh earraí bia (IO L 338, 22.12.2005, lch. 1).

¹² Rialachán (CE) Uimh. 1881/2006 ón gCoimisiún an 19 Nollaig 2006 lena socraítear leibhéil uasta le haghaidh éilleáin áirithe in earraí bia (IO L 364, 20.12.2006, lch. 5).

¹³ Rialachán (CE) Uimh. 396/2005 ó Pharlaimint na hEorpa agus ón gComhairle an 23 Feabhra 2005 maidir le huasleibhéil iarmhar lotnaidicídí i mbia agus i mbeatha de thionscnamh plandaí nó ainmhíoch agus lena leasaítear Treoir 91/414/CEE ón gComhairle (IO L 70, 16.3.2005, lch. 1).

(r) na ceanglais maidir le sláinte ainmhithe i Rialachán (CE) 1069/2009 ó Pharlaimint na hEorpa agus ón gComhairle¹⁴ agus Rialachán (CE) 142/2011 ón gCoimisiún¹⁵.

5. I gcás inar gá agus inarb iomchuí sin chun cosaint leordhóthanach an chomhshaoil agus shláinte an duine a áirithiú, **sonraigh ceanglais maidir le cáilíocht uisce agus faireachán atá sa bhreis ar na ceanglais a shonraítear in Iarscríbhinn I agus/nó atá níos déine ná iad.**

Ag brath ar thoradh an mheasúnaithe tionchair dá dtagraítear i bpointe 4, d'fhéadfadh sé go mbainfeadh na ceanglais bhreise sin leis na nithe seo a leanas go háirithe:

- (a) miotail thromha;
- (b) lotnaidicídí;
- (c) seachtháirgí dífhabhaithe;
- (d) cógais;
- (e) substaintí eile ar díol imní iad;
- (f) frithsheasmhacht fhrithmhocróbach.

6. **Sainaithin bearta coisctheacha** atá i bhfeidhm cheana féin nó ar cheart iad a dhéanamh chun srian a chur le rioscaí sa chaoi gur féidir na rioscaí sainaitheanta ar fad a bhainistiú go leordhóthanach.

Féadfar a áireamh ar na bearta coisctheacha sin:

- (g) rialú rochtana;
- (h) dífhabhú breise nó bearta bainte truailléan;
- (i) teicneolaíocht shonrach uiscithe lena maolaítear an riosca aerasólaithe (e.g. uisciú silte);
- (j) tacaíocht básaithe pataiginí roimh an mbuaint;
- (k) achair íosta sábháilteachta a bhunú.

Leagtar amach i dTábla 1 bearta coisctheacha sonracha a d'fhéadfadh a bheith ábhartha.

¹⁴ Rialachán (CE) Uimh. 1069/2009 ó Pharlaimint na hEorpa agus ón gComhairle an 21 Deireadh Fómhair 2009 lena leagtar síos rialacha sláinte maidir le seachtháirgí ainmhithe agus táirgí díorthaithe nach bhfuil ceaptha mar bhia don duine agus lena n-aisghairtear Rialachán (CE) Uimh. 1774/2002 (Rialachán maidir le seachtháirgí ainmhithe) (IO L 300, 14.11.2009, lch. 1).

¹⁵ Rialachán (AE) Uimh. 142/2011 an 25 Feabhra 2011 lena gcuirtear chun feidhme Rialachán (CE) Uimh. 1069/2009 ó Pharlaimint na hEorpa agus ón gComhairle lena leagtar síos rialacha sláinte maidir le seachtháirgí ainmhithe agus táirgí díorthaithe nach bhfuil nach bhfuil ceaptha mar bhia don duine agus lena gcuirtear chun feidhme Treoir 97/78/EC ón gComhairle maidir le samplaí agus míreanna áirithe atá díolmhaithe ó sheiceálacha tréidliachta ag an teorainn faoin Treoir sin (Téacs atá ábhartha maidir le LEE) (IO L 54, 26.2.2011, lch. 1)

Tábla 1: Bearta coisctheacha sonracha

Aicme de cháilíocht uisce athshlánaithe	Bearta coisctheacha sonracha
A	- Níor cheart muca a nochtadh d'fharae a uiscítear le huisce athshlánaithe ach amháin más ann do shonraí leordhóthanacha a léireodh gur féidir na rioscaí do chás sonracha a bhainistiú.
B	- Tá toirmeasc ar tháirgí uiscithe nó faoi shileadh a bhuain agus iad fós fliuch. - Ba cheart eallach déiríochta atá ag lachtadh a choinneáil amach ó fhéarach go dtí go bhfuil sé tirim. - Ní mór farae a thriomú nó sadhla a dhéanamh de sula ndéanfar é a phacáistiú. - Níor cheart muca a nochtadh d'fharae a uiscítear le huisce athshlánaithe ach amháin más ann do shonraí leordhóthanacha a léireodh gur féidir na rioscaí do chás sonracha a bhainistiú.
C	- Tá toirmeasc ar tháirgí uiscithe nó faoi shileadh a bhuain agus iad fós fliuch. - Coinnigh ainmhithe féaraigh amach ó fhéarach ar feadh cúig lá tar éis an uiscithe deiridh. - Ní mór farae a thriomú nó sadhla a dhéanamh de sula ndéanfar é a phacáistiú. - Níor cheart muca a nochtadh d'fharae a uiscítear le huisce athshlánaithe ach amháin más ann do shonraí leordhóthanacha a léireodh gur féidir na rioscaí do chás sonracha a bhainistiú.
D	- Tá toirmeasc ar tháirgí uiscithe nó faoi shileadh a bhuain agus iad fós fliuch.

7. **Áirithigh go bhfuil córais agus nósanna imeachta leordhóthanacha maidir le rialú cáilíochta i bhfeidhm**, lena n-áirítear faireachán ar an uisce athshlánaithe le haghaidh paraiméadair ábhartha, agus go mbunófar cláir chothabhála leordhóthanacha do threalamh.
8. **Áirithigh go bhfuil córais faireacháin comhshaoil i bhfeidhm a bhraithfidh aon éifeachtaí diúltacha** atá ag athúsáid an uisce agus, chomh maith leis sin, áirithigh go gcuirfear an t-aiseolas ón bhfaireachán ar fáil agus go ndéanfar gach próiseas agus nós imeachta a bhailíochtú agus a dhoiciméadú mar is iomchuí.
Moltar go mbunódh agus go gcoinneodh an t-oibreoir monarchan athshlánaithe córas bainistithe cáilíochta atá deimhnithe faoi ISO 9001 nó a choibhéis.
9. **Áirithigh go bhfuil córas iomchuí i bhfeidhm chun teagmhais agus cásanna éigeandála a bhainistiú**, lena n-áirítear nósanna imeachta chun na páirtithe ábhartha ar fad a chur ar an eolas mar is iomchuí faoi theagmhais den sórt sin, agus coimeád plean freagartha éigeandála a thugtar cothrom le dáta ar bhonn rialta.